



Universitätsbibliothek Paderborn

**Illvstrissimi Viri Petri De Marca Archiepiscopi Parisiensis
Dissertationvm De Concordia Sacerdotii Et Imperii, Sev
De Libertatibvs Ecclesiæ Gallicanæ, Libri Octo**

Marca, Pierre de

Parisiis, 1669

V. Veteres illam sacerdotiorum nundinationem severissimè prohibuerunt.

urn:nbn:de:hbz:466:1-15617

singularum Ecclesiarum & Clericorum in eis ministrantium dignitati consuluit, juxta veterum canonum prescriptum. E proprio clero eligi debere, & ablique pecuniae datione, constituit. Quibus verbis priorum temporum perturbationem suggillat. Vetus est & recepta in Ecclesia regula, Clericos post emerita plurium annorum in presbyterij aut diaconij gradibus stipendia ad suarum Ecclesiarum episcopatus evrehendos, nec Clericis extraneis, neglecto proprio clero, eas dignitates conferendas. Quam formam ad Apostolorum canones, id est, ad consuetudinem antiquam à temporibus Apostolorum ductam, refert Iulius primus apud Athanasium apologia secunda. Conqueritur de Gregorij ordinatione contra canones facta, non solum quod Athanasio venti superpositus esset ab orientalibus, sed etiam quod extraneus esset ab Ecclesia Alexandrina, illaque penitus ignotus; addens, ne canones Apostolorum solverentur, oportuisse ab Episcopis provinciæ constitui aliquem ex ipso sacramento, ex ipso clero: ἀντίστροφος διάδοσις καλός: καὶ μὴ τέλος διάδοσις Αποστόλων κανόνας τὸ δεκάτην. Cujus instituti ratio una afferri potest à Gregorio Nazianzeno, oratione quando assumptus est in concordia patris; quoniam noto & familiari gregi præfesse jucundius est quam externo & alieno, addam etiam & Deo ca-

rius.
III. Sed potior est Celestini ratio, qui gravem injuriam fieri Clericis docet si peregrini illis præferantur. Hæc enim sunt ejus verba in epistola ad Episcopos Viennenses & Narbonenses: *Tunc alter de altera eligatur Ecclesia si de civitatis ipsius Clericis cui est Episcopus ordinandus, nullus dignus, quod evenire non credimus, poterit reperiri. Primum enim illi reprobandi sunt, ut aliqui de alienis Ecclesiis merito preferantur. Habeat unusquisque Clericorum sue fructum militia in Ecclesia in qua suam per omnia officia transfigit etatem. In aliena stipendia minime alter obrepat; nec alij debitam alter sibi audeat vendicare mercedem.* Quare Leo primus decernit epistola LXXXVIII. ut ex Presbyteris ejusdem Ecclesiæ, vel ex Diaconis, optimus eligatur. Urbanus secundus & Innocentius tertius in hunc numerum adlegerunt etiam Subdiaconos. Idem Leo primus epistola centesima hortatur Gennadium Constantinopolitanum ut eniatur quatenus Alexandrinis ex clero suo catholicus Episcopus consecretur, juxta veterem morem. Gratianus in hanc sententiam testimonia adducit, præter Celestinum, Gregorij & Pelagi dist. LX. & LXI. Ex quorum auctoritate hausit Concilium Remense anno

DCXXX. ut desideret loci indigenam eligi, canone ultimo. Quod ita explicuit Ladicus Pius in hoc Capitulari, ut ad dicecessim integrum hoc porrigit, id est, ad Presbyteros quoque rusticarum parœciarum, nec ad solum civitatis clerum restringat. Quod secutum est Concilium Valentinum tertium anno DCCCCLV. can. viii, cum aliqua explicatione: *Vi in clero, aut in diaœcœterè ipsa, vel si opus sit, in vicinia ipsius, probata persona queratur, & eligatur.* Hoc remedio & jus vetustum restitui & aulicorum cupiditates reprimi posse non desperabant.

IV. Altera hujus capituli clausula spon-
det electiones in futurum absque munera
datione peragendas. Quod aulam præcipue
respicit, quæ pretio plerunque sacerdotia
addicebat. Observatum illud à Gregorio
Turonensi capite sexto de vitis patrum: qui
cum scripsisset Arvernos Galli electionem à
se factam, à Theodorico Rege ut confir-
mareretur muneribus emeruisse, ait *tunc ger-
men istud iniquum cæpisse pullulare ut sacer-
dotium aut venderetur à Regibus, aut compararetur
à Clericis.* Exemplum ductum fuit à Regibus
Gothorum in Italia: qui confirmationes
electionum ad se cùm traxissent, fisco suo
certam solidorum quantitatem ab electis,
quæ antea pauperibus erogabatur, inferri
jusserunt, apud Cassiodorum lib. ix. epist.
xv. Quod secutus est Iustinianus, & reliqui
Imperatores, saltem in Romanas Ecclesiæ
ordinatione. Etenim decreto suo electionem
non confirmabant nisi soluta auri
quantitate consueta, à qua necessitate Constantinus Pogonatus, petente Agathone
Papa, sedem illam liberavit, apud Anastasiū;
ex quo Gratianus: *ne turpissimi luci
cupiditate affectus, sponsam Christi captivam
faceret, ut conquerebatur de virtuosa illa ex-
actione Gregorius magnus in psalmum quar-
tum.*

V. Complectitur quoque clausula illa
Capitularis quoscunque qui ad ordinatio-
nem concurrunt, Clericos, populum, &
Episcopos. Integras enim & puras pecunias
& muneribus quibusunque ordinationes
esse plerisque canonibus, decretis, & legi-
bus publicis, atque poenis inflictis, antiqui
sanciverunt. Vetustissima est quæ habetur in
apostolicis canonibus constitutio can. xxx.
ex versione Dionysij: *Si quis Episcopus aut Pres-
byter aut Diaconus per pecunias hanc obtinuerit
dignitatem, dejectatur & ipse & ordinator ejus,
& à communione modis omnibus absindatur, sicut
Simon magus à Petro.* Basilus quoque hanc
nefandam avaritiam corripuit epistola sua
canonica. Sed locum habere non potuit nisi
in provinciis Diœceseos Ponticæ. Quare in

& Imperij Lib. VIII Cap. XIII. 407

Dicecesi Asia mos iste invaluerat ut pecunias ordinationes omnes redimerentur. Quod cum ab Antonino Ephesino Episcopo, Diceceseos illius Exarcho, impudenter gereretur, qui pro modo redditum pecunias exigebat telle Palladio, Ioannes Chrysostomus Ephesum se contulit, ut castigatis ejus criminis reis, morbo mederetur in posterum. Sex itaque, Antonino cognitione pendente defuncto, Episcopos depositi: qui cum juxta morem receptum pecunias a sedatis docuissent, obtinuerunt jus repetendas ab heredibus Antonini. Alioqui enim non fuisset illis data conditio ob turpem causam. Sed Concilium Chalcedonense canone secundo tantum nefas Ecclesiae universalis auctoritate confudit, prolata & extensa pena depositionis in gradus omnes clericatus & in officiorum ecclesiasticorum promotiones, si fiant per turpem lucri negotiationem, & adhibito anathemate in monachos & laicos criminis participes.

V I. Ratio prohibitionis designatur in canone illo his verbis: *sub pretio redegerit gratiam que non potest vendi, sed datur deus.* Quod significare vult, hoc est. Cum illa aetate ordinatio sive *aspororia* complectetur electionem persona atque illius consecrationem per impositionem manuum ipsamque in Ecclesia certa institutionem, unde necessarium est ex canone sexto Chalcedonensi ordinandos ad aliquam Ecclesiam specialiter *pronuntiari*, *avazpōtlesjū*) totum illud negotium a digniori parte nomen sumpsit *aspororia* sive ordinationis, quae manu imposita ordinem confert. Quare cum pars illa principalis, ad quam duæ aliae referuntur per connexionem necessariam, Spiritus sancti gratiam donet, non potuit cadere in commercium, ut docuit Petrus in repulsa Simonis. *Vixit Spiritus sanctus omnipotens Deus noster*, inquit Sidonius in Concione libro septimo epistolarum, *qui Petri vocem damnavit in Simone mago cur opinaretur gratiam benedictionis esse posse pretio mercari.* Rejetæque sunt cavillationes Antonini Ephesini, qui redditus Ecclesiarum suæ negotiationis caussam prætendebat, cum pro modo reddituum pretia constitueret. Neque enim Ecclesiae tradebantur nisi ratione ordinis, neque etiam elecio antecedebat nisi ad ordinem postea consequendum. Quare omnia comprehendebantur damnatione illa qua gratiam commercio exponebat. Vnde simoniaca pravitas immo etiam hæresis dicta est a Gregorio primo paßim; qui in electione personæ eam committi docet, ne quis eam in sola manuum impositione venali versari sibi persuadeat. Vnde in elegantissima

epistola ad Syagrium lib. 7. epist. 110. data anno DCCIX. haec sunt illius verba: *In sacerdotibus ordinandis sinceritas vigeat, sit simplex sine venalitate consensus, pura preferatur electio, ut ad summam sacerdotio non suffragio venditorum proiectus sed Dei credatur esse iudicio.* Probat autem veritatem hanc negotiationem, quoniam Dei donum vendi non potest; deinde quoniam quod gratis acceptum est, gratis ex dandum. Quem Matthæi quoque locum sumptum ex capite decimo usurpat in hac causa Gennadius Patriarcha CP. in Concilio Constantinopolitano anno CCCCLXIX. libro tertio Iuris Graeco-Romanii. Decreto suo vafram illorum interpretationem excludit qui fraudem faciebant Concilio Chalcedonensi, pecuniis datis post ordinationem. De utroque enim tempore antecedenti & subsequenti docet intelligentiam esse canonem. Et consuetudinem contrariaabolet, quæ in provincia Galatæ invaluerat.

VII. Planè utramque partem & electionis & ordinationis obnoxiam esse huic criminis simoniae docent diserta Leonis Imperatoris verba. *Nemo gradum sacerdotij pretij venalitate mercetur. Quantum quisque mereatur, non quantum dare sufficiat, stimetur---- nec pretio sed precibus ordinetur antisces.* Infra: *Si quis hanc sanctam & venerandam antistititis sedem pecunie interventu subiisse, aut ut si quis ut alterum ordinaret, vel eligeret, aliquid accipisse detegitur, ad instar publici criminis, & lese maiestatis accusatione proposita, à gradu sacerdotij retrahatur.*

V III. Iustinianus quoque constitutioibus aliquo venalitatem suffragiorum in electionibus & ordinationibus prohibuit. Vsum tamen quandam ante suam aetatem inducum de enthroniasticis solvendis, quibusdam adhibitis cautionibus approbat in Novella CXXIII. cap. IIII. cuius loci genuinum sensum, non omnibus obvium, patetfaciemus. Episcopi ordinati, etiam Patriarchæ essent, sive Metropolitanæ, certam pecuniæ summam Archipresbytero sive Archidiacono ordinatoris tradebant, illis exolvendam quibus competebat ex more, tripli pena decreta in eos qui pretium constitutum excederent. Modus illius in Patriarchis non excedit viginti libras auri; in tenuioribus vero episcopatibus, trecentos aut ducentos solidos vel circiter pro modo reddituum. Putabat Gothofredus in usum Ecclesiae & pauperum hanc quantitatem conferendam: quoniam eorum curam gerebant Archipresbyteri & Archidiaconus, quibus erat tradenda, quod potest juvari ex septima synodo, quæ Ecclesiis dandi, &

Vide supra lib. 4.
cap. 10. § 4.